

請彼置此道法不使爾時四天王太子使者  
護佛道神一一記之稍稍去離之勑伺命計

集積累其罪條疏戒名錄白上帝年壽未盡

頓遣惡神因其犯戒之間奪其餘命自然墮

落泥犁中當更十八獄罪至天地燒乃出或

墮一禽獸中或入人道若在人道者當在愚

癡不見法家生佛言阿難道宣數數聚會議

佛說三品弟子經

佛說四輩經

一名四輩學經

西晉三藏法師竺法護譯

說法義不可不彰愚人道當得斷法滅佛教  
諸弟子聞佛說經莫不戰慄皆正心受教  
爲佛作禮

聞如是一時佛在舍衛國祇樹給孤獨園爾  
時諸四輩弟子天帝龍鬼神質諒神皆詣祇  
樹稽首佛足却就常位坐佛告諸弟子吾今

所出法經所可教戒皆自各守其意念末世  
毒然之時四輩弟子若出家若居家修道皆  
狂醉衆色不復承用佛經法專愚自用便使  
吾道薄淡令世人謗訛吾道信是弟子傲慢  
所致驚駭子正衣服又手一心聽佛說四輩  
第十一  
經如是佛言若末世男子能出家除剃頭髮  
爲道者第一去離愛欲志存大乘常當慈悲  
喜護爲主去想行普念一切蜎飛蠕動之類  
視之如身無異不得妄起恚怒深入明度常  
以明度權便誘致朦冥使入無極以戒德除

心穢病不得爲世間之業能行此者便可出  
家名曰道士不可依恃吾法自以出家爲信  
不專念道或能有下賤之人倚道自活無益  
一切而但出意說爲人師主輕薄戲調不自  
檢察使尊法薄淡世人不信非吾出家弟子  
之法也佛言若有女人出家除髮爲道以去  
愛欲當專精靜處不得與出家男子同廟止  
若行師受當有等類不得獨往稟受常當晚  
出早還不得妄出廟宿止但得教授女人不  
得教授男子所著衣服不得刻繒帛綠色苾

芬不得輕言戲語不得貪財寶物戒行清淨  
名曰出家道人若輕言戲謔未語預笑心志  
不定意行穢濁惡口罵詈輕言不節不能靜  
處橋慢自大不自檢勑者雖復出家故是賤  
人非出家弟子也佛言若有男子心志繫道  
不能出家者在於愛欲之中當受持五戒月  
第十一五  
六齋第一孝順父母治家養子朝暮燒香然  
燈稽首三尊悔過十方恭敬四輩不得慢經  
自大去離慳貪常以至誠不得欺殆世人不  
得與世間人妻婦坐起同席住行相隨同室

異牀除去四事以四等心普視一切老者若  
父若母少者若弟若子恒以明度法藥洗除  
衆病不得妄瞋恚罵詈常以無極方便誘解  
世人使入大乘不得爲新學者說深經奧妙  
之義當爲除想識無星礙者不得綺飾衣服  
不得與世間妻女戲謔言語往來報答以致  
因緣如是者爲清淨道人若行不清淨貪利  
財色或於世俗綺飾衣服互相翹舉但結非  
惡聃聃所欲輕言戲謔未語預笑託已同法  
口說妙言外似清虛內懷貪惑心存財帛以

自供給活於妻子慢佛尊經不復修學反習外道之術世藥解奏符呪厭說療治衆病因緣外道解奏之術或於財帛約束上下賊意欲得因解奏之術不持吾法當來者却皆由斯輩是故非吾法學弟子也佛言若有女人不能出家在於愛欲之中心樂道者當持五戒月六齋孝順父母姑嫜叔妹夫婿不得撾罵兒子婢使不得輕行來宿止他家不得與世間男子語言調弄戲笑不得妄瞋恚罵詈惡口不得證說他人惡不得陷人兒子妻妾

奴婢過惡恒當專精念道爲上首不得與世間凡人說法顏貌不得與人男子相叔不得教他人男子不得說世間吉凶善惡災變之相不得憍慢自大晝夜三時燒香稽首三尊悔過十方稟受經行言數自勸不得希望供養貪利財帛不得嫉妬夫主當自賤女人身願爲男子轉身受福可得上天宮觀自然是清信女人學道之法若不孝順憍慢姑嫜嫉妬夫主撦罵奴婢造惡自是怨恨恚怒毒意向人行者如是是爲非法學女人弟子也佛

告諸弟子清慎放心守護身口恒以四等濟於衆生以道寶之慧恩施一切如佛教誠必得度世弟子諸來會者聞佛說經歡喜奉行作禮而去

佛說四輩經

佛說當來變經

西晉三藏法師竺法護譯

聞如是一時佛在舍衛國祇樹給孤獨園與大比丘衆俱比丘五百及諸菩薩爾時世尊告諸比丘將來之世當有比丘因有一法不

從法化令法毀滅不得長益何謂為一不護禁戒不能守心不修智慧放逸其意唯求善名不順道教不肯勤慕度世之業是為一事令法毀滅佛告比丘復有二事令法毀滅何謂為二一不護禁戒不攝其心不修智慧畜妻養子放心恣意賣作治產以相供活二伴黨相著憎奉法者欲令陷墮故為言議謂之諛謔內私犯惡外揚清白是為二事令法毀滅佛告比丘復有三事令法毀滅何謂為三一既不護戒不能攝心不修經義二自讀文